



## Sid la hakuka f sok yel-zisg kibare, la ad yaa naana ne Wënd sën yols a soaba

Yii a Mu‘aaz [bn Ğabal nengē (Wënd yard be a yīnga) a yeelame: mam yeelame: Wënd Tën-tuumã, kō maam kibar ne tuumde, sën kēesd maam arzāna, la zāagd maam Būgmã, a yeele: «Sid la hakuka f sok yel-zisg kibare, la ad yaa naana ne Wënd sën yols a soaba, tū Wēnde, ra maan lagem-n-taar ne-A baa fu, la f yānes ne Puusgo la f kō zaka, la f loe Ramadaan, la f kaag Roogã. Rē poorē t'a yeele: M kōn n tees foom n tug yel-sōmã wã ragnoo: no-loeerã yaa gāngo, la doaagã kiisda tuum tuuti wã wala koomã sën kiisd bugumã, la raoa sën na n puus yun-suka. rē poorē t'a kareme: {B kuremsã lakdame n basd gāasã-zīisi} halı n tug n tãag {n tumdē wã}». Rē poorē t'a yeele: «M kōn n kō foom kibar ne yellã zu-raoogã la a zeng-raoogã la a zug-kã-lugã»? Tı m yeele: n-ye Wënd Tën-tuumã, t'a yeele: Yellã zu-raaog yaa İslaangã, la a zeng-raoogã yaa Puusgã, la a zug-kã-lugã yaa Gihaadı wã. Rē poorē t'a yeele: M kōn n wilg foom woto fãa gill soogre? Tı mam yeele: n-ye, Wënd Tën-tuumã. T'a gād mam zelemdã n yeele: Gād fo wāndı wã. Tı mam yeele: Wënd Nabiyaamã, rē yīnga b na n yōka tōnd ne d sën gomdã bu? T'a yeele: Ad f ma kongo-f wε, rē yīnga b fōgemda nebã Bugmē wã b nemsã zutu maa b yegã zutu, tı sã n ka b zelmã sën kēebã».

[Naşun Şahuhun (Gom-sikdem sën manege)] [A At-tirmiiziyy n togs-a]

A Mu‘aaz yeelame (Wënd yard be a yīnga): Mam rag n bee ne Nabiyaamã (Wënd puusg la A tıgr be a yīnga) so-toak pugē, tı mam yı raar a yembr n pēneg-a, tı tōnd kēnda, tı mam yeele: Wënd Tën-tuumã, kō maam kibar ne tuumde, sën kēesd maam arzāna, la zāagd maam Būgmã, a yeelame: sid la hakuka f sok yelle a tuum sën yaa toog yōyē wã, la ad a yaa naana ne Wënd sën yols a soaba, kō İslaamdã faril-rãmbã a nu wã: Rēnemã: tū Wënd A Yembre, la ra maan lagem-n-taar ne-A baa fu. Yiib soaba: Yals farilã Puus-rãmbã, wīndg la yungo: Fagiri, Zafare, Laansare, Magriba, Sāanfo, la b sart-rãmbã la b zeng-raadã, la b waagib-rãmbã. Tãab soaba: yiis Zakã yãkr sën yaa tılae wã, la yē yaa tūudum ne arzeka, lidg fãa sën ta alkadr b sën yãk toaaga, sãri wã pugē tı b miē, tı b yãkd n kōt neb nins sën sōmb ne-a wã. Naas soaba: loe Ramadaanã la yēnda yaa f sën na n gād f menga n yi rubo la yūubu, la zēng sën ka b yiibã, sën kaood noor buud fãa, ne tūudum Anniya, Fagirã pukr n tug n tãag wīndgã luuse. Nu soaba: Maan Roogã hagiimdu ne Mak togıgo, n na n yik ne tūudum tuuma, Wënd tūudum yīnga, (A Naam yı wagell n zēke). Rē poorē t'a yeele (Wënd puusg la A tıgr be a yīnga): M kōn n wilg foom soyã sën taasd yel-sōmã wã ragnoya? La woto yaa f sën na n pug faril-rãmbã la naafıl-rãmbã: Rēnemã: yam-raabã no-loeere, la yēnda gidgdame tı f pa lut Wēn-kısgē ye, ne a sën kaood yamleooğã, la valemş pãngã. Yiib soaba: yam-raabã doaagã, a kiisda tuum tuuti wã, b maanegã poorē, la a loogd ne-b la a yēesd b vūunã. Tãab soaba: Tahagud Puusgo, yungã sën puı tãab yaoolem soabã, rē poorē t'a karem Wënd koεεg sën

yeele: (A Naam zēk yā): {B kiremsā lakdame}: rat n yeele: zāagdame {n basd gāasā zīisi}  
 rat n yeele: gōeemā zīigē {n bōosdb b Soabā yεεsg la yā-beed yīnga, la b yākd Tōnd sēn  
 dulg-ba n maand sārā (neere). Rēnd yōor ka mi b sēn solg n bīng-ba sēn yaa sū-noog la nif-  
 maagr ye} rat n yeele, būmb ning sēn na n maag b ninā dūni yikr raarā, arzānā neemā wā  
 pugē, {tī yaa b sēn da yī n tumdē wā rolbo}. Rē poorē tī Nabiyaamā yeele (Wēnd puusg la A  
 tīlgr be a yīnga): M kōn n kō foom kibar ne dīinā yēgre? La zeng-raoog ningā a sēn tikd a  
 zugā? La a zεgrā yīngri? A Mu‘aaz (Wēnd yard be a yīnga) yeelame: n-ye Wēnd Tēn-tuumā.  
 Nabiyaamā yeelame (Wēnd puusg la A tīlgr be a yīnga): Yellā zu-raoog yaa lūslaangā, la  
 yēnda yaa kaset-rāmb a yiibā yeelgo, yaa ne b yiibā la ninsaal paamd dīinā yēgre. La a zeng-  
 raoogā: yaa Puusgā, rēnd lūslaang ka be Puusgā kaalem pugē, wala roog sēn ka be, zeng-  
 raoogā kaalem pugē wā, rēnd ned ning sēn puusa a dīinā paamda pānga n zēk yīngri. La a  
 zεgrā, yaa ne Gīhaadi la nidg pānga dīinā bεεbā zabr pugē, sēn na yīl n zēk Wēnd Gomdā. Rē  
 poorē, Nabiyaamā yeele (Wēnd puusg la A tīlgr be a yīnga): M kōn n kō foom kibar ne sēn  
 loogā maan-tī-yī sōma? Tī Nabiyaamā gād a zelemdā (Wēnd puusg la A tīlgr be a yīnga) n  
 yeele: Gīdg yāwā la f ra gom būmb ning sēn ka pak foom ye. A Mu‘aaz yeele: rē yīnga d  
 Soabā na n yōka tōnd la A geel tōnd la A sībg tōnd ne yel nins d sēn gomdā bu?! Nabiyaamā  
 yeele (Wēnd puusg la A tīlgr be a yīnga): f ma kongo-f wε! La gomdā tulsem ka a kāabg ye, la  
 ad a yaa Laarab-rāmb gomde, tī yaa nekre n tug yelle, b sēn sōmb n neke la b bāng-a, rē  
 poorē a yeele: rē yīnga b fōgemda nebā la b lubd-b b memsā Bugmē wā, tī sā n ka b zelma  
 wā sēn kēebā, sēn yaa kifēndem la wāag-n-rogle, la tuubo, la wīdbo, la tēng-kā-wēenem, la  
 zīri wāagr la sēn wōnd rēndā.

<https://sunnah.global/hadeeth/mos/show/66530>

النجاة الخيرية  
ALNAJAT CHARITY

